

AKASHVANI AIZAWL

REGIONAL NEWS BULLETIN

Date – 20/09/2025 Time - 18:30 -18:40Hrs

HEADLINES (EVENING)

- MNF President Pu Zoramthangan Inhumhimna bik Mizoram in a neih Article 371G chu martarte thisen leh Zoram mipui zawng zawngin an tawrh man a ni a ti.
- Mizoram Sawrkar leh Opikpure Pvt.Ltd. chuan sawhthing sawngbawlina din turin thawhdunna thuthlung an ziaik.
- Prime Minister Narendra Modia chuan vawiin khan Gujarat-a Bhavnagar-ah hmasawwna project cheng vaibelchhe 3420 hu a hawng.
- Defence Minister Rajnath Singha chaun ni hnih chamin Morocco-a India in ralthuam siamna hmunpui a din mek a tlawh dawn.

<><><>

MNF MATYR DAY

MNF President Pu Zoramthangan Inhumhimna bik Mizoram in a neih Article 371G chu martarte thisen leh Zoram mipui zawng zawngin an tawrh man a ni a ti.

MNF party huaihawt Martyr Day vawi 45-na vawiina Mizo Hnam Run ah hmannaah he thu hi sawiin, Pu Zoramthanga chuan FCAA chu MNF in an duhloh avangin Assembly ah pawh duhloh thu a pass a ni a ti a, ZPM sorkarin hnam neitu nihna hralhin Mizo inhumhimna midang kuta an hlan chu pawl antih thu sawiin Special session koin MNF sorkarin a hnawl ang khan hnawlin, sut leh ngei turin ZPM sorkar an phut tih a sawi.

MNF President Pu Zoramthanga chuan hnam martarte chu Mizoram mai nilo thenawm ram hrang hrangah an awm tih sawiin an tu leh fate thlah kalzel thahnem tak avangin MNF zungkaihna chu a nghet bik a ti bawh a ni,

MNF Sr. Vice President Dr. R. Lalthangliana chuan West Phaileng ah Martyr Day hi hmanpuiin Zoram leh Zofaten a tha zawnga an hun tawn leh zalen taka an awm theihna chhan chu hnam sipai martarte leh martar huama zalenna sualtute thawhrah a ni a ti a. India danpuia Article 371(G) dan ropui an neih theihna chu

hnam sipaite thawhrah a ni tih sawiin Dampa biala by-election lo awm turah pawh theihna zawng zawng hlan turin a pen lut tih a sawi.

MNF Party Vice President Pu Vanlalzawma hovin Lungleiah hun hman a ni a, Remna avanga hnam sipaiten silai an tun khan hnam thuthlung an tung tello a, an tlawm a nilo tih sawiin an inpekna, inunauna leh inhmangaihna te kha thangtharten chhawm nun zel a pawimawh tih a sawi.

Mamit ah chuan Vice President leh Leader of Opposition Pu Lalchhandama Ralte in hman puiin hnam pasaltha, zalenna suala nunna hlutak hlantute hi an thinlunga a lailum changtute an ni a ti a, Hnamdangte pawhin an ngaisang hle tih sawiin an inhlanna kha Mizote inpumkhatna symbol a ni tih a aawi.

Champhaiah chuan Treasurer Pu Lalruatkima hova hman niin Hnam martarte inpekna hrereng chungin hnam thinlung put reng a pawimawh thu a sawi a, MNF lo pian chhuahna, Mizo nationalism vawng nunga, an pianna rama kir leh turin a sawm a, zalen leh hlim taka mipuite an awm theihna chhan chu ram maichama nun hlantu, Martar te vang a ni a ti.

Khawzawlah chuan National Core Committee member Pu Tawnluia’n hmanpuiin Martarte avanga remna thuthlung an neih chu an sorkar hrawn mekin palzutin, FCAA chu an pawm a. Ram leilung neitu an nihna chu hralhin a awm a ti a, ZPM sorkarin he dan a pawmna hi sut leh ngei turin an ngen tih a sawi bawk.

Martar Day hi Pu Lalchamlia’n Kolasib ah, hman puiin Gen Secretary Pu Lalrinawma chuan Khawbelah a hman pui a, Pu Robert Romawia Royte chuan Serchhipah hmanpuiin Mizoram hmun hrang hrangah hman a ni bawk.

<><><>

BJP ANNOUNCED DAMPA BY POLL CANDIDATE

Bharatiya Janata Party Central Election Committee chuan Dampa bial MLA by-election lo awm tura an party candidate turin Pu Lalhmingthanga an ruat.

BJP Central Office chuan nizan khan thuchhuah siamin an party candidate hi an puang a, Dampa bialtu MLA Pu Lalrintluanga Sailo a thih avanga by-election neih turah hian sawrkar lai ZPM party chuan August ni 25 khan an party candidate atan Pu Vanlalsailova an lo puang tawh a, September ni 2 khan MNF Party chuan an party candidate atan Dr R. Lalthangliana an puang a, Congress Party chuan an party candidate atan Pu John Rotluangliana an puang tawh bawk a ni.

Tukim khan Bharatiya Janata Yuva Morcha (BJYM) buatsaih India Prime Minister Pu Narendra Modi pianni champha wawi 75-na lawmna pualin Namu Yuva Run chu Aizawlah huaihawt a ni.

BJP Mizoramin Marathon a buatsaihah ah hian Palak bialtu MLA Pu K Hrahmo chuan Bawngkawn atangin inthlansiaka telte hi a vailiam a, Namu Yuva

Run hian tum pahnih neiin taksa insawizawi bakah ruihhlo laka fihlim tura mitin zirtir a ni a, AR Lammual ah a tawp kharna hun neih niin Namu Yuva Run ah hian mi 100 vel an tel a, lawmman pawisa fai leh thuziak sem nghal a ni.

BJP Mizoram hian Prime Minister Narendra Modi-a piancham (September ni 17) leh India hnampa Mahatma Gandhi-a piancham (October ni 2) inkarah midang tana luanchhuahna hun "Seva Pakhwada" buatsaihin Sairang rel chawlhmun an tihfai bakah a mamawh apiang tan thisen an pe bawk a ni.

<><><>

GINGER PROCESSING MOU

Mizoram Sawrkar leh Opikpure Pvt.Ltd. chuan sawhthing sawngbawlina din turin thawhdunna thuthlung an ziak.

Thawhdunna thuthlung hi Adviser to Chief Minister Dr. KC Lalmalsawmzauva pisa ah ziah niin Champhai District Khuangleng-a Sawhthing sawngbawlina, 'Ginger Processing Unit' dinna tur a ni a. Commerce & Industries Department Joint Secretary Pi Pinky Zosangpuii leh Managing Director, Opikpure Pvt. Ltd. te chuan he thuthlung ah hian an hming an ziah hnan a ni.

Mizoram sawrkar leh Opikpure Pvt Limited thawhdunna ah hian Opikpure Pvt.Ltd te chuan Industrial Estate ram chu Sawrkar bituk rate angin, man chawiin an luah hawh dawn bakah thawktu za zela sawmnga aia tlem lo chu ram chhung mi an ruai dawn a, Tarlan danin an inbunna tur senso hi Cheng Vbc. 2.5 vel a ni a, 2026 kum tir lamah hna thawk tan tura inbun fel hman an tum thu an sawi.

Opikpure Pvt.Ltd. Managing Director chuan an ruahmanna thenkhatte tarlangin, ni zung chakna hmanga sawhthing pho rona tur khawl engemaw zah an bun tur thu a sawi a. Khuanglenga Ginger Processing Plant bun an tum ah hian nikhat ah sawhthing Metric Ton 20 an tih ro theih dawn a ni.

Organic product, thlai hlo mihring hriselna atan a pawl thei tel lova thar chhuahte chu man man zawka hralh thin a nih avangin he hmalakna hian kuthnathawktute hnen ah Organic farming uar zawka kalpuina a thlen an beisei thu a sawi a, an thar chhuahtlai te chu Organic Certification an buaipui sak tur thu leh Sawhthing chauh ni lo, thei leh thlai dangte pawh sawngbawl tel an tum thu a sawi. He hmalakna hian thalaite tan eizawna a siam belh bakah thlai tharte man man zawk a tih ralna a thlen phah an beisei thu an sawi bawk a ni.

<><><>

GST REFORMS

Pachhunga University College Asst Professor Dr Daniel Lalawmpuia’n Sorkar laipuiin GST chhiah thar hman hunah tharchhuah leh siamchhuah a pun bakah mipui sum hman a tam phah rin a ni a ti a, hei hian sum dinhmun a tih ziaawm phah beisei ani tih a sawi.

Akashvani Aizawl Regional News Unit New India Samachar Programme ah he thu hi sawiin Dr Daniel Lalawmpuia chuan GST Reform 2.0 hman a nih hunah thil man tlawm tur chu chhungkaw tam tak tan thil hlu tak tur ani dawn ati a, thil man a tlawm chuan sum hmanchhuah a tam rin ani tih sawiin tharchhuah leh siamchhuah ti pungin ei leh bar zawinna kawngah hmasawinna a thlen phah zawk dawn a, nasa takin ram a thang thei tura beisei ani tih a sawi.

Dr Daniel Lalawmpuia chuan GST tharah chuan ngaih pawimawh tak tak lungphum 7 an rawn dah a ti a, hetah hian GST alo hlawhtlin zel theih nan ram pakhat chhiah pakhat tih angin chhiah mumal zawk leh awlsam zawk an ruahman tih sawiin chhiah lak dan phungah dik leh langtlang zawk kalpui a ni a, GST pe tu tur sumdawngte tana awlsam taka chhiah an pek theih nana tunlai thiamna hman tangkai ani dawn a ti a, state hrang hranga chhiah chu GST hnuaiah an khung tih sawiin One Nation One Tax kalpui tura ruahman ani tih a sawi bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



PM

Prime Minister Narendra Modia chuan vawiin khan Gujarat-a Bhavnagar-ah hmasawinna project cheng vaibelchhe 3420 hu a hawng. Thusawiin Pu Modia chuan kawng tinrenga mahni intodelh a tul thu leh ramdang kuta innghah chu India hmelma lian ber pakhat a la ni reng a ti a. Khawvel hmuha mahni intodelh anga India lantir a hun tih sawiin kum 2047 a ram intodelh ni tura hmalakna chu tihlawhtlin ngei a tul a ti bawk.



DEFENCE MINISTER

Defence Minister Rajnath Singha chaun ni hnih chamin Morocco-a India in ralthuam siamna hmunpui a din mek a tlawh dawn. India leh Morocco te thawhdunna hi tunhnaiah a thang nasa hle a. Defence minister hian a cham chhung hian Tata Advanced System Maroc in Wheeled Armoured Platform an siam a tlawh

dawn a. He hi Africa-a India kutchhuak ralthuam siamna hmunpui hmasa ber a ni ang..

<><><>

SEVA PARV

Mipui rawngbawl leh sawrkar inrelbawlna tha thupuia neiin Prime Minister Narendra Modia hnuaiah ramchhungah hmasawнна tam tak thlen mek a ni. Tun tum Seva Parv ah chuan Modia sawrkarin mitin huap healthcare a kalpui dan lo tarlang ila. PM Modia hnuaiah hian sawrkar chuan kum 2018 khan Ayushman Bharat-Pradhan Mantri Jan Arogya Yojana (PM-JAY) a kalpui tan a. He scheme hi khawvela healthcare scheme lian ber niin kum khatah chhungkaw khatin cheng nuai 5 thleng damlo enkawlна an la thei a. Ramchhunga chhungkaw vaibelchhe 12 chuangin an hmang tawh a ni.

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian inchhunga electric bungruate a tlawm dawn a. GST zaa 28 lak thinte chu chhiah lak dan tharah chuan zaa 18 ah a tlahniam tawh dawn a ni. Hei bakah hian Two-way Radios mante pawh a tlawm dawn a. Hei hian police, paramillitary force leh defence lam thawktute tan sum sen a ti tlem dawn a ni.

Electronic & Computer Software Export Promotion Council of India Chairman Sandeep Narula chuan hetiang a chhiah lak tlem anih avang hian hlawkna tam tak a awm dawn tih sawiin ramchhunga electronic hralh chhuah pawh a pung dawn a ni a ti.

<><><>